



UPRAVA DRUŠTVA	Strana: 1 od 3
Broj protokola: 02-1-04-7-7283-15/19	JAVNO

Datum: 19.02.2020. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke robe: Isporuca originalnih rezervnih dijelova i usluge interventnog servisa za opremu proizvođača TREPEL AIRPORT EQUIPMENT GmbH, Njemačka (za period od dvije godine), imenovane Rješenjem, broj: 02-1-04-7-7283-5/19 od 04.02.2020. god., Uprava J.P. Međunarodni aerodrom "SARAJEVO" d.o.o. Sarajevo na 130. sjednici održanoj dana 19.02.2020. god., donosi

## ODLUKU

### I

Prihvata se ponuda ponuđača TREPEL AIRPORT EQUIPMENT GmbH, Njemačka, za nabavku robe: Isporuca originalnih rezervnih dijelova i usluge interventnog servisa za opremu proizvođača TREPEL AIRPORT EQUIPMENT GmbH, Njemačka (za period od dvije godine), zavedena na protokol Naručioca pod brojem: 04-6-04-7-7283-11/19 od 12.02.2020. god., koji je ponudio cijenu za predmetnu nabavku koja ne može preći iznos od 10.225,83 EUR.

### II

Po protoku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

## Obrazloženje

Postupajući u skladu sa čl. 17. i 18. Zakona o javnim nabavkama, a u cilju izbora najpovoljnije ponude za nabavku robe: Isporuca originalnih rezervnih dijelova i usluge interventnog servisa za opremu proizvođača TREPEL AIRPORT EQUIPMENT GmbH, Njemačka (za period od dvije godine), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke broj: 02-1-04-7-7283-3/19 od 16.12.2019. god., a Rješenjem o imenovanju Komisije, broj: 02-1-04-7-7283-5/19 od 04.02.2020. god., imenovao Komisiju za provođenje postupka nabavke.

Naručilac je, postupajući u skladu sa naprijed navedenom Odlukom, uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu ponuđača TREPEL AIRPORT EQUIPMENT GmbH, Njemačka, s obzirom da je navedeni ponuđač ujedno proizvođač, ekskluzivni serviser i distributer predmetne opreme.

Do ostavljenog roka za predaju kvalifikacionih dokumenata i komercijalne ponude, 12.02.2020. god., pozvani ponuđač je dostavio svoju inicijalnu ponudu, koja je zavedena na protokol Naručioca pod brojem: 04-6-04-7-7283-11/19 od 12.02.2020. god.

Na javnom otvaranju ponude, koje je održano isti dan u 10:15 sati, bez prisustva predstavnika ponuđača, pročitan je naziv ponuđača i ponuđene cijene za naprijed navedenu robu i uslugu.

Nakon javnog otvaranja ponude, Komisija je izvršila uvid u spisak kvalifikacionih dokumenata i konstatovala da ponuđač nije dostavio traženu dokumentaciju iz pozivnog pisma. Naime, ponuđač se pismenim putem izjasnio da nije u mogućnosti dostaviti traženu

Vrsta dok.	Izdavač
<b>ODL</b>	<b>01-3</b>
Strana: 2 od 3	
JAVNO	

dokumentaciju, objašnjavajući da prikupljanje zahtijevane dokumentacije za njega predstavlja veliki napor (konstatovano u zapisniku sa otvaranja ponuda), te da je neisplativo u odnosu na vrijednost ugovora (10.225,83 EUR), jer se radi o ugovoru male vrijednosti za koji se po propisima njegove zemlje ne zaključuje ugovor. Dalje je naglasio da želi ostvariti saradnju sa ugovornim organom i zaključenje ugovora, ali bez dostavljanja traženih dokumenata kao što su npr.: PDV, ID broj, izjave po čl. 45. i 52. itd.

Uvidom u dostavljenu ponudu, Komisija je konstatovala da je ponuđač dostavio cijene rada ovlaštenog servisira opreme TREPEL AIRPORT EQUIPMENT GmbH, Njemačka, i to:

- rad inženjera: **88,00 EUR/h** (u regularnom radnom vremenu od 08.00 do 16:00 sati);
- rad inženjera: **105,00 EUR/h** (u radnom vremenu od 16.00 do 19:00 sati);
- rad inženjera: **120,00 EUR/h** (u radnom vremenu od 19:00 i subotom);
- rad inženjera: **152,50 EUR/h** (subotom i praznicima);
- troškovi putovanja: **77,00 EUR/h**;
- satnica putovanja servisera putničkim vozilom: **1,15 EUR/h**;
- te paušalni trošak po izlasku na teren: **1.140,00 EUR**

Navedene cijene date su bez uključenih troškova hotela, hrane, pića itd.

Ponuđač se izjasnio da će nespecificirani rezervni dijelovi biti obračunati po važećem cjenovniku na dan isporuke, kao i da ukupna vrijednost nabavke ne može preći iznos shodno Odluci PP broj: 19/19 od 16.12.2019.

Komisija za javne nabavke je sagledala do sada provedeni postupak nabavke – Pregovarački postupak sa pozvanim ponuđačem, sve probleme koji su se javili u njegovom provođenju, sve pokušaje da se od ponuđača naknadno dobije nedostajuća dokumentacija, kao i važnost predmetne nabavke za nesmetano funkcionisanje aerodroma, pa je ocijenila da se Pregovarački postupak nastavi sa pozvanim ponuđačem.

Komisija je kod zauzimanja ovakvog stava, uzela u obzir i stav Agencije za javne nabavke po ovom pitanju, tumačenje dato na seminarima za javne nabavke, kao i dosadašnje iskustvo Naručioca, posebno u poslovanju sa stranim kompanijama i problemima koji se u ovim postupcima javljaju, jer je pozvani ponuđač/proizvođač jedini ovlašteni servisier opreme marke TREPEL AIRPORT EQUIPMENT GmbH, Njemačka, kao i činjenicu da se od drugog ponuđača predmetna nabavka ne može realizirati. Komisija je imala u vidu i činjenicu da je od ovog ponuđača prethodnih godina nabavljeno više HIGHLOADER-a, koji su neophodni kod utovara/istovar tereta/pošiljki u avione, tako da bi se nefunkcioniranjem HIGHLOADER-a ugrozio utovar/istovar tereta, a samim tim i rad aerodroma.

Imajući u vidu naprijed navedeno, Komisija je konstatovala da je Pregovarački postupak sa ovlaštenim ponuđačem proveden u skladu sa ZJN i predložila Upravi Društva da se ugovor zaključi sa ovim ponuđačem, koji je jedini proizvođač i ovlašteni servisier opreme marke **TREPEL AIRPORT EQUIPMENT GmbH, Njemačka**, na iznos od 10.225,83 EUR, na period od dvije godine, jer se od drugog ponuđača predmetna roba ne može nabaviti. Poništavanjem postupka predmetne nabavke i njegovim ponavljanjem, došlo bi se do istih rezultata, samo bi se izgubilo na vremenu realizacije ugovora.

Komisija je konstatovala da je dostavljena ponuda ujedno i konačna ponuda.

Vrsta dok.	Izdavač
<b>ODL</b>	<b>01-3</b>
Strana: 3 od 3	
JAVNO	

Uprava J.P. Međunarodni aerodrom "SARAJEVO" d.o.o. Sarajevo na 130. sjednici održanoj dana 19.02.2020. god., razmotrila preporuku Komisije, te je, nakon uvida u vođeni Pregovarački postupak, istu prihvatila.

S obzirom na naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 70. Zakona o javnim nabavkama, a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponude.

**DOSTAVLJENO:**

1. Upravi Društva
2. Sektoru komercijale
3. Sektoru za PKO poslove
4. Ponuđaču (co.)
5. Sektoru finansija (co.)
6. a/a

**DIREKTOR**

Armin Kajmaković

